

文

選

旁

證

文選旁證卷第十二

長樂梁章鉅撰

卷八下 羽獵賦

上下交足 六臣本交作充

注皆在郊數 今禮記數作概 注聚草也釋文澤也本或作數

注答曰 又方四十里耳 又答曰 又王之囿四十里殺其麋鹿

今孟子答均作對無耳字王之囿作有囿方鹿下有者字

東南至宜春 何曰漢書無東字疑衍胡公攷異曰據史文此

云南至下云西至又下云北繞又下云頗割其三垂故何云

卽指上林之三垂而言是也其東濱澗則云濱澗而東而已

無所開廣亦無所割此句不得有東字但善解三垂爲武帝

侵西南東三方以置郡豈所見漢書有東字與下濱澗而東

相接連以上林爲不僅有三垂耶然所解實未安

御宿 三輔黃圖御宿苑在長安城南御宿川中漢武帝爲離宮別館禁禦人不得入往來遊觀止宿其中故曰御宿

旁南山西至長楊五柞

漢書西上有而字

濱淵而東

漢書濱作瀕胡公攷異曰濱當作賓注云濱與賓

同音蓋正文作賓所引公羊作濱故有此語難蜀父老率土之濱注本或作賓可爲此作賓之證漢書作瀕又異本耳

雖頗割其三垂以贍齊民

注

三垂謂西方南方東方武帝侵三

垂以置郡故謂之割

何曰三垂卽指上林三垂言注非也

元帝初元二年詔以水衡禁園宜春下苑少府僉飛外池嚴樂池田假與貧民五年罷上林宮館希御幸者成帝建始元年亦罷上林宮館希御幸者三十所卽其事也

甲車戎馬

注

甲或爲田

漢書甲作田

儲侍

注

說文曰儲侍待也

今說文侍待也儲侍也李注因正

文兩字而連引之耳徐鍇曰漢書張忠爲孫寶設儲侍物以待須索也此亦足爲儲侍連用之證

又恐後世復修前好不折中以泉臺 六臣本世作葉胡公攷異曰折當作制注引韋昭曰制或爲折也是其證顏注漢書作折卽韋所云或爲耳

注

魯莊公築臺

陳校築下添泉字據漢書注也各本皆脫

故聊因校獵賦以風之 六臣本及漢書並無之字

各以並時而得宜 六臣本漢書以並作亦六臣本無各字

焉得七十而有二儀 漢書焉作烏

注封禪各言異也

漢書注作言封禪各異也此誤

處於元宮 漢書注元宮言清淨也

富既與地處作營 余曰營五臣作贊姜氏舉曰班馬字類曰

史記張釋之傳以營爲卽漢書景紀營算十以上乃得官讀

與資同又說文資貨也贊小罰以財自贖也則從資是也

齊桓曾不足使扶轂 宋書郊祀歌星驅扶輪注引羽獵賦曰

齊桓公會不足使扶輪按此注引滕薛夾轂則作轂非誤本

書任彥昇到大司馬記室牋桓文扶轂注引與此同

楚嚴未足以爲驂乘 莊作嚴尙從漢譚則此賦疑從漢書錄

出然字句又多與漢書不同且後祇莊雍穆莊字又不改不

知何故也

狹三王之阨僻嶠高舉而大興 漢書狹作陜僻作薛顏注薛

亦僻字也五臣嶠作矯銑注可證

注春秋感精記曰 六臣本毛本春秋上並有呂氏二字誤也
涉三皇之登閔 五臣涉作陟向注可證
友仁義與之爲朋 漢書無之字按此與甘泉賦侔神與之
爲資句法正合

萬物權輿於內徂落於外 六臣本徂作殂漢書顏注殂落死
也言草木萌芽始生於內而枝葉凋毀死傷於外也按李注
止解權輿而未及徂落當以此注補之

以奉終始顓頊元冥之統 六臣本漢書並無奉字疑此衍

西馳闔闔 漢書闔作闔顏注闔讀與闔同朱氏瑋曰段氏玉
裁云說文闔闔盛兒此蓋假闔爲闔也大司馬注鼓聲不過
闔則又假闔爲闔闔卽鼓部之鑿也闔卽鼓部之馨也

戍卒夾道 六臣本戍作戎

注郭舍人爾雅注曰陳曰爾雅郭注與所引不同知非景純也下文穆珍來享句又引犍爲舍人爾雅注胡公攷異曰爾雅犍爲郡文學卒史臣舍人注二卷見陸氏釋文敘例必犍爲二字各本皆誤改作郭耳

禦自汧渭漢書注應劭曰禦禁也師古曰將獵其中故止禁不得人行及獸出也

天與地沓漢書沓作沓顏注沓然縣遠也說者反以沓爲沓解云重沓非惟乖理蓋已失韻按此注引應劭曰沓合也則漢書或亦作沓字孫氏志祖曰楚詞天問天何所沓王逸注沓合也言天與地合會何所子雲蓋祖屈原之語

爾乃虎路三巘五臣路作落良注可證按漢作路音落顏注落巘也以繩周繞之也蓋字本作路而顏讀作落耳

揭以崇山 六臣本漢書揭並作碣顏注碣山特立貌按李注

引薛綜東京賦注曰碣猶表也似李本亦作碣但傳寫誤

白楊之南 六臣本白作長

注說文曰鏤邪大戟也 今說文鏤鄒也無大戟二字而繫傳

本與此合漢書賈誼傳臣瓚注引亦同此疑今本說文脫

虹蜺爲纆 姜氏皋曰方言胡以縣櫛宋魏陳楚江淮之間謂

之纆或謂之環故玉篇曰纆環也說文纆落也均作維系解

惟韋昭注指爲旗上繫

屬之乎崑崙之虛 六臣本無上之字虛作墟

注災惑法使司命不祥 胡公攷異曰法上當有執字災惑或

謂之執法見廣雅各本及漢書注皆脫命字不當有各本皆

衍漢書注無

鮮扁陸離駢衍似路漢書顏注鮮扁輕疾貌駢衍言其並廣

大也似次比也一曰滿也

徽車輕武注徽疾貌也漢書顏注徽車有徽幟之車

窮竄極遠者相與列乎高原之上五臣竄作冥向注可證漢

書亦作冥列作迺

注陽朝陽明之朝晁古字同也上朝字當作晁此李以朝解

晁也各本皆誤

注杜業奏事曰六臣本無奏事二字胡公攷異曰此文今在

漢書霍光傳注中云杜延年奏載霍光柩以輅車云云其非

杜業明甚宋孝武宣貴妃諫晨輶解鳳注所引云云亦在霍

光傳注然則當作杜延年奏曰各本皆誤

蒙公先驅注蒙公髦頭也金氏姓曰北征賦劇蒙公之疲民

此與蚩尤作對自應特指一人不應泛指髦頭武騎蒙恬爲前驅於天子事亦未嘗不合淮南子人間訓曰秦皇發卒五十萬使蒙公楊翁子築脩城按漢書注服虔曰蒙公蒙恬也孟康曰神明也師古曰服說是也

霹靂烈缺吐火施鞭

注

言威德之盛役使百神故霹靂烈缺吐

火施鞭而爲衛也

漢書作辟歷烈缺六臣本烈亦作列下

鱗羅布烈句並同顏注言獵火之耀及馳騎奮鞭如電吐光及象其疾與善異解

萃從沈溶

六臣本從作從漢書沈作允

注沈以永切

永當作水上林賦注尤本作水可證

注

說文曰吸喘息也

今說文吸內息也此誤作喘蓋沿下喘

息聲而譌耳六臣本尙不誤

啾啾

注

啾或爲秋

漢書作秋秋

切神光

注

張晏曰神光官名

漢書顏注切神光者言車之衆

飭相切靡而光起有若神也按解與張異飭疑飾之誤

徑竹林

盧氏文昭曰東光朔傳長門園有荻竹竇太主獻爲

官卽竹林也

踐蘭唐

宋氏祁曰踐韋本作跋又作跃

轡者施技

漢書技作披

狡騎萬帥

六臣本及漢書並狡作校帥作師

從橫轆轤

漢書轆作轤蕭該音義云轤舊作鵠又作謁本書

魯靈光殿賦洞轆轤其無垠也亦皆从車

焱拉雷厲

今漢書拉作泣當是誤字注亦誤

蕭條數千里外

六臣本里下有之字漢書千下有萬字

距連卷

注

張晏曰連卷木也

張氏雲璈曰此言獸之騰越距

卽足距騰空虛而足有連卷之勢也

娛澗間

五臣作嬉澗間向注間爲娛戲於其間也漢書作娛

澗門

及至獲夷之徒

劉氏做曰獲烏獲夷夷羿皆有力者何曰此

下更有羿氏控弦或別用堯時射九日者

掌蕢藜

六臣本藜作藜是也漢書作掌蕢梨胡公攷異曰考

字書藜藜二字有分別據此知蕢藜乃變體加艸非借藜藿

字也當從六臣本

屨舛首

漢書屨作履刊本誤也屨與下句帶字義配故顏注

云屨謂踐履之也若履字便可不注

逢蒙列眚

林先生曰列眚疑當作裂眚謹按漢書顏注列整

文選有證

卷十二

六

也則作列亦非誤姜氏皋曰管子五輔篇大袂列注列大袂以從小也是列作裂訓荀子哀公篇兩驂列兩服入廐注列與裂同則列皆卽裂皆

注說文曰匈奴名引弓曰控弦 今說文弓下無曰字

望舒彌轡

注

彌與弭古字通

六臣本彌作弭

沈沈溶溶

漢書作沈沈容容宋氏祁曰沈蕭該本作沈音餘

水反文選亦作沈沈王氏念孫曰蕭本是也沈容雙聲字調

禽獸衆多貌上文萃從允溶文選亦作沈溶李注沈溶盛多

之貌上林賦曰沈溶淫鬻沈以水切溶音容是其證沈沈草

書相似故沈譌爲沈而師古無音則所見本已作沈矣

窮允闕與 林先生曰兩漢刊誤補遺云馬援傳允豫未決注

允行貌豫未定也與與豫字通賦言三軍捕禽獸行者窮追

之未定者開止之尤與二文相對師古以開與爲容暇之貌
於義未安五臣以尤爲柔腫切云窮尤倦怠貌愈失之

剽禽之繼喻 六臣本剽作標漢書作票

熊羆之挐攬 六臣本及漢書攬作攬

虎豹之凌遽 注說文曰凌越也 凌當作陵說文凌爲勝之或

體訓冰大也與越義無涉然今說文陵字下亦無此訓

魂亡魄 六臣本及漢書魄下均有失字是也此傳寫脫耳陳

曰賊悚驚怖魂亡魄失各以四字爲句也

創淫輪夷 注言獸被創過大血流與車輪平也 六臣本注中

無大血流車四字胡公攷異曰無者是也言獸被創過以解

創淫與輪平也以解輪夷卽謂獲獸平輪耳

以臨珍池 三輔黃圖昭帝元始元年穿琳池廣千步池南起

桂臺以望遠東引太液之水按昭帝有琳池歌玉海以爲臨
珍池卽此

羣娛乎其中 六臣本娛作嬉漢書作娛

祛靈蠅 六臣本祛作祛按注引服虔以蠅爲黽蠅應並引應
劭說大龜也雄曰毒冒雌曰黽蠅

注鄭元曰祛音祛 元當作氏下鄭元曰彭咸也亦當作氏
目有虞 漢書顏注曰猶視也望也有虞謂舜陟方在江南
方椎夜光之流離 學林云五臣注流離玉也吳都賦流離與
珂瑛五臣注流離寶也凡此言流離本用琉璃耳晉書音義
瑠璃字林云火齊珠也

剖明月之珠胎 六臣本珠胎作胎珠

鞭洛水之宓妃餉屈原與彭胥 余曰此二語寓遠色好德意

林先生曰劉知幾譏其無理信然

注願依彭咸之遺制 制當作則各本皆誤

注車有輻 段校輻當作番

武誼動於南鄰 何曰漢書注南方有金鄰之國

注單于南庭山 六臣南庭作庭南是也各本皆倒

喟然並稱曰 又夫古之觀東嶽 漢書無並字夫作太

丞民乎農桑勸之以弗怠 五臣丞作蒸銑注可證漢書丞作

承怠作迨

創道德之囿宏仁惠之虞 注虞與娛古字通 六臣本創作制

何曰虞字對上囿字乃虞人之虞顏李皆云通娛非也

卷九 長楊賦

明年上將大誇胡人以多禽獸 錢氏大昕曰此傳皆取子雲

自序與本紀多相應如上文云正月從上甘泉卽紀所書元
延二年正月行幸甘泉郊泰畤也云其三月將祭后土上廼
帥羣臣橫大河滌汾陰卽紀所云三月行幸河東祠后土也
云其十二月羽獵卽紀所書冬行幸長楊宮從胡客大校獵
也此年秋復幸長楊射熊館則本紀無之蓋近郊射獵但書
最初一次餘不盡書耳但二年校獵無從胡客事至次年乃
有之並兩事爲一則紀失之也戴氏震謂本紀元延三年無
長楊校獵事不知羽獵長楊二賦元非一時所作羽獵在元
延二年之冬長楊則三年之秋子雲自序必不誤也

注謂之明年疑班固誤也又疑七畧誤何曰明年者班史

因子雲自敘之詞七畧誤也

注說文曰誇誕也今說文譌字訓誕也又誇字訓譌也又誕

字訓詞誕也並無誇誕也之訓朱氏琿曰誕爲誇之轉訓敵字罕見故卽以轉訓訓之仍許氏意也

發民入南山 六臣本校云善無發民二字

注扶風在涇州界 陳校涇改雍是也各本皆誤

注山海經曰竹山有獸其狀如豚白毛毛大如笄而黑端以毛射物名豪毓也 今西山經無第二毛字及以毛射物四字

漢書注豪豬一名鬐獠自爲牝牡者也尤本重豪字非

輸長楊射熊館 三輔黃圖云長楊宮在今盩厔縣東南三十

里本秦舊宮至漢修飾之以備行幸宮中有垂楊數畝因爲宮名門曰射熊觀秦漢游獵之所

以網爲周法 蕭該漢書音義引三倉曰因山谷爲牛馬圉謂之陸

注顏師古曰動不爲身 六臣本師古二字作監是也下同

注山海經曰松梁之山 今西山經梁作果

帥軍蹕陸 五臣蹕作萃向注可證

注言有儲畜 六臣本作高其儲畜是也此及漢書注並誤

亦頗擾于農人 漢書人作民此避諱改下竄竄其民句則改之未盡也

注厯今勤字 漢書揚雄本傳注師古曰厯古勤字孝文紀厯

身從事敘傳下賈厯從旅晉灼與師古並同此今字疑誤

客何謂之茲耶 六臣本無之字是也漢書無客何二字顏注

謂茲耶猶云何爲如此也胡公攷異曰據此則仍當有何字

無之字蓋漢書傳寫之譌尤本據添非也又按難蜀父老曰

烏謂此乎烏何也此茲也乎邪也子雲好擬相如此亦用彼

語不當衍之字甚明

見其外不識其內也 漢書也上有者字

請畧舉其凡 漢書無其字

封豕其土 六臣本土作土是也漢書亦作土

應劭淮南子注云 漢書注作應劭曰淮南子云是也各本

皆脫曰字衍注字

晉灼曰鑿齒之徒謂六國 何曰鑿齒之徒謂陳項晉說非

毛詩曰乃睠西顧 今詩皇矣睠作眷釋文云眷本作睠

春秋元命苞曰命者天之令 六臣本令作命本書蕪城賦

注辨命論注並引作命者天之命也運命論注引作命者天

下之命也太平御覽人事部亦引作天之命此令字恐誤

所過麾城擗邑 顏監曰擗舉手擬也 漢書無過字擗作擗

李奇曰擗音車攄之攄顏注擗舉手擬之也然則此注引顏
監擗應作擗蕭該音義引蒼頡篇亦作擗然說文有擗字無
擗字集韻擗取也與蒼頡篇訓合恐漢書誤也此注擬下無
之字應據漢書注校添胡公攷異曰顏注擗字音義蓋與左
氏傳乃掀公之掀相近李注別引鄭氏禮記注及字林以爲
擗字音義乃所以改顏傳寫者並顏注亦爲擗失之矣

頭蓬不暇梳

漢書梳作疏宋祁筆記云疏與梳疑古通用

注說文曰鞮鍪首鎧也

今說文鞮屨也鍪屬

迺屨人之所詘振人之所乏

六臣本漢書兩人字皆作民

縠衣不弊韋鞢不穿

注言不穿不弊不更爲也

漢書顏注言

不穿弊而已無取紛華也與李注異

大厦不居

漢書厦作夏夏與厦通毛詩夏屋是也

注疏亦賤也字書曰疏遠也 六臣本作疏遠也字書曰璣小珠也十字是也此有脫誤

除雕琢之巧 漢書琢作琢顏注琢音篆

抑止絲竹曼衍之樂 六臣本衍作衍

東夷橫畔 注東越也一云呂嘉 金氏銓曰東越卽閩越改封

下文自有閩越相亂句此東夷或指朝鮮若呂嘉則南越也且嘉不爲國人所殺東越王餘善乃見殺於國人耳此注與史記不合按金說近之漢書朝鮮傳元封二年朝鮮散殺遼東東部都尉涉何天子募罪人擊朝鮮其秋樓船將軍楊僕從齊浮勃海左將軍荀彘出遼東賦當卽指此武帝伐滅之置爲樂浪元菟等四郡亦與下文磔裂屬國句相應

羌戎睚眦 漢書顏注睚字或作瞋說文睚字在新附瞋字云

益州謂瞋目曰瞋

遐眠爲之不安注韋昭曰眠音萌萌人也六臣本眠作氓漢

書作萌按此亦當作萌注當作萌音眠各本皆誤倒因又改

正文作眠耳眠卽氓字或五臣作氓李作萌上林賦以瞻萌

隸七命羣萌反素六臣本皆有校語云五臣作氓可證也

迺命驃衛又碎驃輜漢書驃作票碎作碑

腦沙幕六臣本正文及注幕均作漠

遂躡乎王庭五臣躡作獵銑注可證漢書亦作獵

歐橐駝燒煥蠶漢書駝作它煥作燠林先生曰燒煥蠶張晏

說爲長蓋燒其草使不得牧畜以困之也

注乾酪母何校作乾酪也以爲酪母七字依漢書注是也

分勢單于漢書勢作衆顏注衆與勢同姜氏皋曰管子五輔

篇是故博帶梨房注梨割也淮南子齊俗訓而剖梨之高注
梨分也後漢書耿乘傳梨面流血注梨卽勢字

注顏師古曰何校師古改監是也下同

夷阮谷拔鹵莽

注鹵莽中生草茅也

五臣阮作坑拔作跋良

注可證六臣本中上有鹵字無也字

吮鋌癢耆金鏃淫夷者

六臣本吮作吮漢書作宛按宛卽吮

字曹全碑有宛膿之仁此直以宛爲吮之證服虔所謂如舍

然者是也胡公攷異曰吮字他無所見或改吮爲宛而誤又

臣似校漢書以爲鈇與顏李二家迥異恐屬臆說不可從謹

按此節漢書注文理本晦李注刪政亦未協惟服虔注近之

且依服注以宛鋌癢耆金鏃各三字爲句似更明順

皆稽顙樹頷扶服蛾伏

注

扶服與匍匐音義同

又蛾古蟻字

漢書領作領按此注引韋昭曰領音蛤則韋本亦作領蕭該音義云稽顙韋本作黎顙梨顙顙屬地也樹領領觸地也今作稽顙傳寫誤耳扶服蛾伏六臣本作匍匐蟻伏

注項下向 六臣本項作頂是也此及今漢書注同誤

注說文曰匍匐手行也 今說文匍手行也匍伏地也繫傳作匍裏也手裏行也匍伏地也

二十餘年矣 六臣本無矣字

注漢兵深入窮邊 邊當作追

幽都先加 良注幽都北方匈奴所居漢書頽注同

莫不躋足抗首 五臣躋作矮 作手銑注可證漢書首亦作

手孫氏志祖曰羽獵賦抗手稱臣古手首字通姜氏皋曰案

古文首爲手見儀禮大射儀士喪禮注

注 三年之喪卒 卒字下當有哭字各本皆脫

意者以爲 漢書意上有故字

注 言時不常也 六臣本言時作時言是也

振師五柞 漢書柞作祚顏注祚與柞同毛本柞誤作祚

西厭月蝟東震曰域 六臣本蝟作窟漢書震作征

奉太尊之烈 漢書尊作宗按太宗文帝也下句文武之度方

謂文帝武帝則此仍當作太尊李注以爲高祖是也

復三王之田反五帝之虞 漢書顏注虞與娛同按顏注非也

李注引汝作朕虞是也此與羽獵賦創道德之囿宏仁義之

虞同一句法李注明於此而昧於彼何也

拊隔鳴球 五臣拊隔作戛擊良注可證漢書顏注拊隔擊考

也一曰彈鼓也胡公攷異曰史記樂書及楊倞注荀子並同

此五臣援東晉古文尙書改竄陋矣朱氏珔曰今文尙書作拑隔古文尙書則作憂擊本不同觀注引韋昭云古文隔爲擊可知韋昭固未嘗見東晉書也

受神人之福祐 宋氏邢曰祐當作祐音右

注說文曰莧草薪也 今說文無草字

注蹴路馬芻 今曲禮以足蹙路馬芻有誅注蹙蹴同

且盲者不見咫尺 漢書無者字

注離婁之明趙岐曰古之明目者也蓋黃帝時人 姜氏皋曰

高誘注呂氏春秋用眾篇淮南子原道訓並同此蓋本莊子天地篇黃帝遺其元珠使離朱索之而不得也然列子湯問篇離朱師曠黃帝容成並舉之皆屬寓言亦未可據以爲時代班氏古今人表置於春秋之末與公輸子並列故廣韻注

並通志氏族畧引風俗通謂爲孟子弟子

我亦已獲其王侯 六臣本亦下有將字

尤非小人之所能及也 漢書人作子

迺今日發矇注矇與蒙古字通 六臣本矇作蒙按詩矇矇秦

功白帖六十一引作蒙矇是二字有相通之義也

射雉賦

徐爰 何曰徐爰字子玉見宋書恩倖傳按隋書經籍志有宋

大中大夫徐爰集四卷又皇覽目四卷徐爰撰

涉青林以遊覽兮 五臣青作清良注清淨之林按李注引薛

君詩說青靜也亦是此意

屈耿介之專心兮 埤雅雉死耿介如壘護疆善鬥

麥雄豔之娉姿 六臣本麥作旻

天泱泱以垂雲

注

毛詩曰英英白雲泱泱與英古字通

朱氏琯

曰詩白華釋文英英韓詩作泱泱同賦蓋用韓詩也

雉鷩鷩而朝鵠

注

雌雉不得言鵠顏延年以潘爲誤用也

延

年當作之推顏氏家訓文章篇云詩云有鷩雉鳴又曰雉鳴

求其牡毛傳亦曰鷩雉雌聲又云雉之朝雊尙求其雌鄭元

注月令亦云雊雄雉鳴潘岳賦曰雉鷩鷩以朝雊是則混雜

其雄雉矣段曰徐子玉與延年皆宋人也黃門年代在後其

所作家訓當是載延年說耳

奮勁骹以角槎

又

鷩綺翼而經搗

六臣本槎作搗經作顏

注

鷩文章貌也詩云有鷩其羽

今詩鷩作鷩字通毛傳云鷩

然有文章玉篇云鳥有文廣韻云鳥羽文惟說文鳥部鷩云

鳥也李氏黼平曰說文鷩字似是雇字之誤他字可以訓鳥

鷺字不可訓鳥也

爾乃擊場挂翳 六臣本擊作拏按廣韻八戈擊除也引此賦語是古本並不作拏也林先生曰陳蕭脫有射雉詩插翳依花合芟場向野開擊場當卽芟場之謂玉篇翳障也鄭康成禮記注畢翳射者所以自隱也

裋料戾以徹鑒 六臣本裋作裋

注方言曰藟纏也 言下當有注字此郭注文

注廣雅曰蹶踈跳 蹶字衍跳下當有也字今廣雅釋詁跳也

條共釋十字有蹶無踈可證

注說文曰翹尾之長毛也 今說文無之字

捧黃間以密殼 桂氏複曰弩有稱黃間者史記李廣傳廣身自以大黃射其裋將裴駟引鄭德曰黃肩弩淵中黃朱之章

昭曰角弩色黃而體大也漢書注服虔曰黃肩弩也晉灼曰
卽黃間也大黃其大者也張衡南都賦黃間機張劉劭趙都
賦綠沉黃間又有稱紫間者陸機七導操紫間之神機又有
稱白間者後漢書班固傳招白間章懷注弩有黃間之名此
言白間蓋弓弩之屬程君敦得銅弩機文曰赤黑間

注說文曰鞞張弓弩也 今說文無弓字

注屬剛野以潛擬 六臣本野作挂廣韻亦作剛挂

注鯨牙低鋏 注鯨當作擎 五臣鯨作擎向注可證

注雉當不止 六臣本當作尙是也毛本尙不誤

徒心煩而伎憊 憊卽癢字顏氏家訓書證篇曰伎癢者懷其
伎而腹癢也

伊義烏之應機嗽搜地以鴈響 注埤倉曰搜地爪持也 尤本

機作敵五臣搜作撰銑注可證 胡公攷異曰注中地字應去各本皆因正文搜地而誤衍耳

注夷靡也頽弛也 六臣本無上也字是也此誤衍

意淦躍以振踊又飲余志之精銳 六臣本淦作淦飲作欣

無見自驚注驚音脉字亦從脉 胡公攷異曰驚當作驚注同

徐謂驚之或體作驚也此五臣據徐注改正文作驚於是賦及注皆不見驚字而所云不可通矣惟集韻二十一麥載驚字二十三錫載驚字皆云鳥驚視其所據此賦未誤也

繚繞磐辟 六臣本磐作盤

注皆回從往復又言轉翳回旋 六臣本從作旋回旋作旋回

皆是也

才于中輟注才今中輟以文勢言之徐氏誤也 六臣本也作

之胡公攷異曰作之是也謂以文勢言當作彳兮而並云彳
子非潘賦本然由徐乃爾耳

注張衡舞賦曰蹇兮宕往彳兮中輟段曰毛本舞作武宕作

宕輟作廓並誤

闕問薊葉注薊與稍並同王篇闕相視也與窺同又稍麥莖

也集韻闕小開門以候望也

於是算分銖商遠邇桂氏覆曰弩機皆有尺當今工部尺二
寸又半寸蓋弩開幾分射及若干步皆準於尺尺盡則引滿
矣此潘賦所謂算分銖商遠邇也

注埤短也埤當作庫各本皆誤

始解顏於一箭六臣本於一箭作之一笑誤也

注故僻除人從僻當作辟各本皆誤

注馮參鞠射履方 陳曰射當作躬各本皆誤

注於心不覺也 於當作放六臣尙不誤

此則老氏所誠君子不爲 六臣本氏下有之字誠下有而字
于下有之所二字

北征賦

罹填塞之厄災 余曰災叶將侯切姜氏皋曰詩終南何有梅
裘哉叶韻十月之交五章時謀萊叶韻易旅象志窮災也終
无尤也亦是灰尤相叶朱子釋詩於載馳無我有尤尤字云
叶于其反近時江氏永古韻標準平聲第二部支微齊佳灰
韻收尤韻數字皆作魚其渠之等切是以尤韻字叶灰韻非
以灰韻字叶尤韻也其補考下有云灾將黎切无妄之牛與
災大畜之災與尤相叶皆是然則災不必作將侯切矣

息邠邠之邑鄉注 邠與邠同 邠與邠同 段曰古地名作邠山

名作幽而地名因與山名同音通用如邠岐之比許氏原書

當是幽岐本在山部而後人移之併爲一字耳

注 漢書右扶風邠縣有幽鄉詩幽國 六臣本邠上有有字無

有幽鄉詩四字按此尤本據地理志改補也

注 又云文公城邠 六臣本無文字按此亦據志補也

慕公劉之遺德及行葦之不傷 惠氏棟曰漢儒皆以行葦爲

公劉之詩冠榮云公劉敦行葦世稱其仁王符云詩云敦彼

行葦牛羊勿踐履公劉厚德恩及草木牛羊牛六畜且猶感德

趙長君曰公劉慈仁行不履生草運車以避葭葦長君從杜

撫受學義當見韓詩也孔氏廣森曰潛夫論邊議篇云公劉

仁德廣被行葦又蜀志彭萊傳體公劉之德行勿剪之惠

注逢此百殃 今詩免爰章殃作凶

注秦昭王時又而得其地 六臣本秦上有又匈奴列傳曰六

字下四字作於是秦有隴西北地上郡築長城以拒胡十六

字胡公攷異曰此是也匈奴列傳可證

注說文曰驂傍馬也 驂上當有駢字

遂舒節以遠逝兮 六臣本句末無兮字下過泥陽而太息兮

句同

寤怨曠之傷情兮 尤本怨曠作曠怨按注明云思君子爲怨

曠則尤本誤倒也

注說文曰劇甚也 今說文無劇字朱氏琚曰本書蜀都賦劇

談戲論下又劇秦美新何其劇與下並云劇甚也皆非引說

文不應此處獨異說文曰三字當是誤衍耳

不耀德以綏遠 六臣本句末有兮字下躋高平而周覽遊于

悲其故鄉撫長劍而慨息三句同

何夫子之妄說兮 六臣本說作託

注諸疏遠屬也 諸下當有趙字此史記蒙恬列傳文

注隧或爲墜說文曰墜古文地字也 兩墜字並當作墜六臣

本尙不誤今說文地字重文墜字注云籀文地从隸淮南子

地形訓作墜形訓

弔尉邛於朝那 注徐廣曰姓孫又姚察曰邛姓段 六臣本及

漢書邛並作邛是也漢書孝文功臣表餅侯孫單父邛以北

地都尉匈奴入力戰死事子侯十四年三月丁巳封與此正

合然則姓孫爲是

注使南越尤本越下衍王字

谷水灌以揚波。五臣灌作灌良注灌水流貌也

注說文曰皚皚霜雪白之貌也。今說文皚霜雪之白也

注雍雍鳴雁。今詩匏有苦葉雍雍作雝雝

心愴恨以傷懷。又撫長劍而慨息泣漣落而霑衣。六臣本恨

作恨兩而皆作以惟衣作裳蓋誤

注說文恕亦訴字。今說文訴告也。重文謫或从言朔訴或从

朔心

注動靜不失。今易艮彖失字下有其時二字

東征賦

注子穀爲陳留長大家隨之官。翰注陳留長作陳留長垣縣

長是也。此有脫字。後漢書曹世叔妻傳子成關內侯官至齊

相顏注引三輔決錄云齊相子穀頗順時俗注曹成壽之子

也司徒掾察孝廉爲長垣長母爲太后師徵拜中散大夫子穀卽成之字也錢氏大昕云古家室之家本讀爲姑如詩宜爾室家與孥爲韻左氏傳而棄其家與姑逋爲韻今則轉爲古牙切獨大家字讀如姑尙存古音也

注名昭字惠姬 六臣本作名昭字惠班一名姬今後漢書同

此有脫字

惟永初之有七兮余隨子乎東征注東觀漢記曰和帝年號永初 阮先生曰昭之東征因子穀長垣長而出京師攷昭本傳

言昭卒年七十餘昭卒在鄧太后之前故鄧太后素服使護喪事又攷安帝永初元年昭諫鄧隲之事是昭在京師爲太后所敬聽故其子成卽子穀爲中散大夫必和帝永元七年爲長垣長以後事蓋班固卒於永元四年班固死始召昭入宮

猶繭然醫亦當在子穀爲長垣長之後此時昭己年將六十矣以此推之則賦首永初當爲永元之誤李注所引和帝年號永初亦爲永元之誤若是永初則當作安帝矣

餘不登櫟而極蠡兮注夏則居櫟六臣本櫟作巢椽作琢

無此注按禮記音義櫟本亦作巢說文木部櫟字注云澤中

守艸櫟从木巢聲玉篇義同集韻引說文亦同

注蠡與蠃古字通說文蠡从虫豕聲段曰豕見虫部讀若弛

非通貫切之豕也蠡或借爲羸蚌字是作蠡者非

注子謂冉有曰周任有言今論語作孔子曰求周任有言曰

注韓詩曰聊樂我魂詩釋文員本亦作云韓詩作魂

注秦昭襄王滅東西周梁氏玉繩曰西周已見滅于赧王五

十九年秦昭王五十一年此與年表及燕世家皆誤多一西

字田完世家又但言秦滅周少一東字惟春申君傳言取東周不誤也

注凡七縣河南洛陽穀城平陸偃師鞏緱氏六臣本穀城作

登城鞏作單父孫氏義鈞曰以漢書地理志後漢書郡國志考之平陸當是平陰之誤六臣本穀作登鞏作單父皆誤單父在山陽郡東平陸在東平國郡國志曰六國時平陸二邑距東周遠矣姜氏皋曰七縣之說多可疑者如史記秦本紀莊襄王元年盡入東周君之國又伐韓韓獻成皋鞏正義曰鞏今洛州鞏縣爾時秦滅東周韓亦得其地又獻於秦也則周亡之時安得復有鞏耶

望河洛之交流兮看成皋之旋門水經河水注云河水又東

逕旋門阪北今成皋西大阪也升陟此阪而東趣成皋曹太

家東征賦曰望河洛之交流看成舉之旋門者也

注郭璞曰山海經注曰陳校去上曰字各本皆衍

歷滎陽而過卷五臣卷上有武字向注滎陽武卷皆縣名按漢書地理志河陽郡有滎陽縣卷縣無武卷縣疑武字因下文原武陽武而衍向注臆度不可爲據

涉封邱而踐路兮六臣本句末無兮字

忘曰夕而將昏兮六臣本忘作念

注蒼頡篇曰駐主也主當作住

到長垣之境界水經濟水注引句末有兮字

注民到於今稱之稱或爲祠翟氏瀨四書攷異引此無說

民亦尙其邱墳水經濟水注引尙作嚮近刻作饗今从四庫全書本

唯令德爲不朽兮水經濟水注引爲作之

注成侯貶號曰侯平侯子嗣君更貶號曰君朝魏 六臣本平

上無侯字又無子嗣君三字此尤本據史記世家添朝魏上

依世家當有子懷君三字則各本皆脫

知性命之在天又勉仰高而瞻景 六臣本句末並有兮字

注有一言而終身行之者乎 今論語而下有可以二字本書

求通親親表注引無有字

精誠通於明神注精誠通於形 五臣明神作神明濟注可證

庶靈祇之鑒照兮 六臣本照作昭

卷十 西征賦

鬼神莫能要 六臣本能作之

注班固覽海賦曰運之脩短不豫期也 藝文類聚海水部引

覽海賦作班叔皮而無此八字豈類聚所引未全歟本書海

賦注引亦作班彪疑此作班固誤也

當休明之盛世 六臣本句末有兮字下嗟鄙夫之常累天子

寢於諒闇句並同

注孟子曰夫招士以旂 本書辨亡論注引同劉越石答盧誡

詩注引作夫招大夫以旌宣德皇后令注引作夫招士以旂

注鄙夫不可與事君 今論語作可與事君也與哉

天子寢於諒闇 注禮記曰高宗諒闇 按禮記注諒古作梁闇

讀如鶉鵲之鵲書說命無逸作亮陰論語作諒陰公羊文九

年傳注作涼闇詩商頌譜正義引鄭氏無逸注作諒闇轉作

梁闇書釋傳攷異謂漢五行志作涼陰大傳作梁闇說文長

箋引書作涼鵲又作諒瘖

彼負荷之殊重 晉書楊駿傳駿初爲驍騎鎮軍二府司馬後

以後父超居重位封臨晉侯尙書褚翺郭奔並表駿小器不可以任社稷之重武帝不從

注伊尹之相太甲致桐宮之師 姜氏泉曰竹書紀年有太甲七年王潛出自桐殺伊尹陳氏逢衡曰此條三十四字與上伊尹放太甲于桐乃自立十字皆璆語竄入紀年者楊氏慎亦云汲冢璆語其文極古然多誣而不信是也胡氏應麟曰今璆語惟劉氏史通疑古篇引其說按孫氏奔示兒編辨放太甲於桐放字爲教字之譌其說可存

注從而悉全 陳校從而改縱不是也各本皆誤

臣禍降之自天 六臣本禍降作降禍晉書楊駿傳賈后欲預政事憚駿未得逞其所欲言殿中中郎李肇大司馬汝南王亮使逆兵討駿駿逃於馬廄以戟殺之誅駿親黨夷三族

注唯我與爾 今論語唯作惟而唐石經宋石經義疏本集說

本禮中庸正義史記弟子傳後漢張衡傳注皆作唯

注邦無道可卷而懷之 今論說可上有則字本書贈劉琨詩

注引亦無閒居賦注引無可字

注耐雅曰梓罪 罪下當有也字各本皆脫

注說文曰備壞敗之貌 今說文備相敗也段曰寡婦賦容貌

備以頓顙注引作敗也無相字又引禮記喪容備道德經傳

奔本備備兮陸氏釋文儼一本作備敗也欺也

匪擇木以棲集妙林焚而鳥存 晉書潘岳傳楊駿輔政引岳

爲太傅主簿駿誅除名初譙人公孫宏善鼓琴頗能屬文岳

待之甚厚至是宏爲楚王瑋長史專生殺之政時駿綱紀皆

當從坐同署主簿朱振已就戮岳其父取急在外宏言之瑋

謂之假吏故得免

皇鑒揆余之忠誠注楚辭曰皇鑒揆余於初度今楚辭鑒作

覽本書沈休文和謝宣誠詩揆余發皇鑒注引亦作鑒

注忼慷傷懷慷當作慨各本皆誤

過街郵注水經注曰古舊亭處卽街郵也林先生曰舊當作

醬今水經注十五云其上平敞古醬亭之處也卽潘安仁所

謂越街郵者也

秣馬皋門注水經注曰石卷濱口高三丈謂之皋門橋卷當

作巷今水經穀水注云石卷東西長七尺南北龍尾廣十二

丈巷濱口高三丈謂之皋門橋潘岳西征賦曰駐馬皋門卽

此處也按秣馬作駐馬所見本異耳

注毛萇詩曰陳校詩下添傳字

注尚書曰武王與受書字下常有序字

注能材強道者材當作持詩箋可證

鑒亡王之驕淫六臣本鑒作覽

注自復於土中今書復作服

豈時王之無僻賴先哲以長懋匡謬正俗云左傳韓厥曰夫

豈無僻王賴先哲以免也免謂免禍難賦云賴先哲以長懋

懋訓勉勵之勉既改左傳本文於義未爲允協

注說文曰懋盛也今說文懋勉也又楸木盛也按正文及注

均應作楸上引漢詔夏以長懋似亦當作楸

重戮帶以定襄顧氏炎武曰此與班固通賦重醉行而自

偶同用晉文名本於踐土載書非剪裁名字之比

咨景悼以迄丐水經洛水注引崔浩注西征賦云定當爲敬

按賦文無定字當云巧當爲敬景悼皆舉諡不應巧獨稱名
俾庶朝之構逆六臣本構作遣

澡孝水而濯纓

注

澡水經注作濟字林曰孝水在河南郡鄆元

曰在河南城西十餘里

今水經穀水注引仍作澡當依此

注攷正水經注云山海經曰平蓬山西十里廐山其陽多瑋
琇之玉俞隨之水出於其陰北流注於穀世謂之孝水也潘
岳西征賦曰澡孝水以濯纓嘉美名之在茲是水在河南城
西十餘里故呂忱曰孝水在河南

嘉美名之在茲六臣本美作善之作而

亭有千秋之號予無七旬之期

水經穀水注云穀水又東逕

千秋亭南其亭累石爲垣世謂之千秋城也潘岳西征賦曰
亭有千秋之號予無七旬之期謂是亭也按太平寰宇記五

云千秋亭在澠池縣東三十里潘岳喪子處

實潛慟乎余慈 六臣本潛作慟

注吾嘗無子之時不憂 六臣本重無子二字是也

注薛君曰回邪僻也 胡公攷異曰僻上當有次字幽通賦注

可證彼次作宐次同字也

注其間必有命世者 漢書劉向傳贊引傳曰聖人不出其間

必有命世者焉三國志荀攸傳注引傳子曰孟子稱五百年

而有王者興其間必有命世者

注請奏缶 說文缶瓦器所以盛酒漿秦人鼓之以節謠此相

如之所以請秦王之擊缶也

舉記墳於南陵 又襄墨纘以授戈 六臣本記作託以作而校

云善作記非也作記但傳寫誤

晉文公子墨衰經 陳校去晉文公三字

杜預曰公未葬 陳校公上添晉文二字

而無反者 陳校去而字是也各本皆衍

殆肆叔於朝市 翰注肆捨也言若值庸主自矜狼戾豈能捨

蹇朝市之刑哉殆必殺之也

吾進退豈不綽然有餘裕哉 今孟子吾上有則字綽字重

又曰晉先且居伐秦 至斯三敗矣 六臣本及毛本注並無

此二十四字惟尤本有之胡公攷異曰無者是也李注明云

止二敗言三未詳更不得有此當是或駁李注而記於其旁

耳考此役秦未嘗及晉師戰其非孟明將而敗無待言故難

數之以足三也於此可知李注義例之精

降曲峭而憐號 劉澄之地理書曰肴有純石或謂石肴 據

此注則出峭或本作石肴按左氏僖三十二年傳晉人禦師必於穀注穀在宏農澠池縣西正義曰此道現在穀是山名俗呼爲土穀石穀其阨道在兩穀之間釋文穀本又作峭貪誘賂以賣鄰 六臣本校云鄰五臣作憐然注中無其證德不建而民無援 五臣建作建良注可證

我祖安陽言涉陝郭行乎漫瀆之口憇乎曹陽之墟 水經河水注云櫟水北流出谷謂之漫澗與安陽溪水合水出石峭南西逕安陽城南潘岳所謂我祖安陽也東合漫澗水北有逆旅亭謂之漫口客舍也又西逕陝縣故城南又合一水謂之瀆谷又云河之右曹水注之水出南山北逕曹陽亭西西北流入於河河水又東菑水注之水出常烝之山西北逕曲沃城南又屈逕其城西西北入河河水又東得七里澗澗在

陝城西七里故因名焉其水自南山通河亦謂之曹陽坑是以潘岳西征賦曰行於漫瀆之口憩於曹陽之墟按此兩條卽李注所引而刪節太多今依彼稍添庶更詳備也

撮舟中而掬指 六臣本而作之

注又曰攬袂而興 陳校又曰改七啓是也各本皆誤

注然此曲沃在西因彼曲沃而得名今因名而說彼 此以詹嘉所守桃林之塞言之爲入關之路也然不應敘及晉地曲沃之事漢書高帝紀注譏潘岳西征以陝之曲沃爲成師爲謬誠不能爲之曲解矣

徒利開而義閉 六臣本徒作徒恐傳寫誤

躡函谷之重阻 漢書高帝紀顏注今桃林縣南有洪溜澗水卽古所謂函谷也

競遁逃以奔竄 野客叢書十七云前漢書賈生傳云九國之
師遁巡而不敢進師古注遁巡謂疑出而却退也遁音千旬
反流俗書本巡字誤作逃讀者因謂遁逃之義潘安仁西征
賦曰遁逃以奔竄誤矣僕謂師古是未深考耳史記之文曰
九國之師遠巡遁逃而不敢進又曰月氏遁逃而常怨匈奴
曰豫讓遁逃山中遁逃二字馬遷屢用之矣前漢書匈奴傳
戎狄遁逃竄伏陳湯傳單于遁逃遠舍其義正與史記一同
遁逃字又見于班固之筆矣不可謂安仁之誤也

注而敵之 敵當作獻王會解可證各本皆誤

注湯曰 陳曰湯上當有周書二字此周書王會解文

漢六葉而拓畿 六臣本葉作世

縣宏農而遠關 何曰漢武徙關於新安則宏農在關內矣此

文入關蓋指潼而言

長傲竇於栢谷 水經河水注引竇作客

疇匹婦其已泰胡厥夫之繆官注疇猶酬也 水經河水注云

漢武微行栢谷遇辱竇門又感其妻深識之饋既返王階厚

賞賚焉賜以河津令其嚮渡今竇津是也故潘岳西征賦云

酬匹婦其已泰胡厥夫之謬官

注漢武帝故事曰至爲羽林郎 今本漢武帝故事無

注刻肌膚之愛 陳校刻改割是也各本皆誤

紛吾既邁此全節 六臣本句末有兮字

感徵名於桃園注其西名桃原 何曰園疑當作原據注語也

水經河水注引亦作園漢書高帝紀立司馬欣爲塞王韋昭

注在長安東名桃林塞師古曰取河華之固爲阨塞耳非桃

林也按程大昌雍錄桃林一以爲潼關一以爲閿鄉一以爲靈寶唯元和郡縣志謂靈寶縣西至潼關俱爲桃林塞

注閿鄉縣東十里鳩澗西何校十下添五字鳩上添泉字蓋

據漢書戾太子傳注

懃黃卷以濟潼水經河水注云河水自潼關東北流水側有長坂謂之黃巷坂傍絕澗陟此坂以升潼關所謂泝黃巷以濟潼矣匡謬正俗云黃巷者蓋謂潼關之外深道如巷以其土色正黃故謂之黃卷過此長巷卽至潼關此巷自古昔以來東西大道年代經久車徒輻湊飛塵飄散所以極深隋帝惡其潛險恐有變故治大道去巷逐高更開平路耳今其故迹猶存說詳本書蓋唐時有以卷易巷者也王氏昶金石萃編云舊時水經注及文選黃巷皆作黃卷唐李元諒頌碑北

越絳臺南抵黃巷可證其誤

注漢書湖縣名今號州閿鄉湖城二縣皆其地也 六臣本此

十八字作漢書湖有閿鄉六字胡公攷異曰此六字續漢書
郡國志文疑漢上脫續字李以注正文閿鄉尤延之取顏延
太子傳之注湖者添改不知此正文並無湖字甚非

注愬向也 愬當作邇各本皆誤

注明年祖龍死 今史記始皇紀明年作今年誤也初學記五
引作明年與此合閿氏若璩曰今字必明字之誤證有三焉
一果三十七年七月始皇崩其言驗一始皇曰山鬼固不過
知一歲事譏其伎倆僅知今年若明年之事彼豈能預知乎
幸其言不驗一李白古風云璧遺鎬池君明年祖龍死則唐
時所見史記尙無譌耳

我聞之於孔公又貞臣見於國危六臣本我作吾又校云五臣作危國按危國與下韻不協恐有誤也

注毛萇曰威陳曰威下當有滅也二字

率上且弗遺又況於卿士乎六臣本且下有猶字況上有而字校云善本無此六字胡公攷異曰尤本此處脩改乃取五臣五字以亂善非也孫氏志祖曰卿士疑卿士之譌

渾雞犬而亂放六臣本而作以

注尚書曰欲遷其社書下宜有序字

范謀害而弗許又疏飲餓於東都六臣本弗作不都作門

駢田逼側六臣本田作闕

勵疲鈍以臨朝顧氏炎武曰漢人有以郡守之尊稱朝者如

郭究碑尹宙碑皆稱本朝漢書劉寵傳謂之郡朝晉書劉琨

傳謂之府朝此則以縣令而稱朝矣

孟秋爰謝

六臣本秋作春爰作爰

按注引楚辭曰青春爰

謝此大招文五臣或據注改耳胡公攷異曰李引楚辭但取謝字岳以仲夏憑賦及此莅職初不改歲何言春乎各本因注改賦均爲失之

百不處一

注

處一或爲一處非也

濟注作一處

所謂尙冠脩成 三輔黃圖云京兆在故城南尙冠里又長安八街有尙冠前街

黃棘宣明建陽昌陰北煥南平

注皆里名也

又餘未詳

三輔

黃圖云長安閭里一百六十室居櫛比門巷脩直有宣明建陽昌陰尙冠脩成黃棘北煥南平等里姜氏臬曰長安志漢街陌里第章載尙冠脩成黃棘宣明建陽北煥南平大昌及

戚里函里凡十與賦多合惟無昌陰有大昌北煥作北煥耳
注乘風縣鍾華祠樂 祠當作洞六臣本作獨段校云師古作
洞皇象碑作墮獨蓋墮之誤

金狄遷于霸川 尤本霸作溺按注皆作霸尤誤

臨危而智勇奮 六臣本智作致

陸賈之優游宴喜 何校宴改燕蓋以注引毛詩作燕耳胡公

攷異曰宴燕字同廣絕交論陸大夫宴喜西都注正引此

注史記曰司馬遷字子長 太史公字子長見法言寡見篇君

子篇論衡變動篇須頌篇至太史公自敘傳曰有子曰遷史
通雜說篇譏敘傳不書其字爲大忘班固仍其本傳爲守株
此引史記與呂向注報任少卿書引漢書云字子長同誤

或著顯績 六臣本顯作勲

皆揚清風於上烈 五臣烈作列向注上列上代也

注胡廣曰 廣下當有書字後屢引皆脫

曾不得與夫十餘公之徒隸齒 六臣本齒下有名字

酒池鑒於商辛 三輔黃圖云秦酒池在長安故城中廟記曰

長樂宮中有魚池酒池池上有肉炙樹秦始皇造漢武行舟

於池中酒池北起臺天子於上觀牛飲者三千人又曰武帝

常欲夸堯胡飲以鐵盃重不能舉皆低頭牛飲西征賦酒池

監於商辛追覆車而不悟

注洞門高廊 陳曰廊當作廊此漢書外戚傳文

注文成將軍李少翁五利將軍樂大皆方術士說武帝作宮觀

以延神仙帝耽溺之其雄才大畧亦何在也 六臣本以此

四十字爲良注又有李注班固漢書贊曰如武帝之雄才大

畧文成五利已見上文二十二字凡此賦前後注爲尤本誤
添誤改之處甚多已見胡公攷異而此條全用五臣錯改李
注致李注不復見特訂正之

靈若翔於神島奔鯨浪而失水爆鱗豁於漫沙隕明月以雙墜
此與西京賦海若游於元渚鯨魚失流而蹉跎意同皆指
昆明池石鯨言吳都賦注引異物記云鯨魚死其目化爲明
月珠此言隕明月亦借用也

若循環之無賜何曰詩王赫斯怒箋斯盡也斯與賜同林先
生曰字典引作無賜解云盡也唐書李密傳云敖庾之藏有
時而賜皆可互證周氏嬰卮林云維摩詰經如來鉢飯悉飽
眾會猶故不賜太平廣記載啓顏錄山東人謂盡爲賜朱氏
綬曰古咄咄歌裏適今日賜

注號曰體輕 體輕當作飛燕尤本作事由體輕亦誤本書西
京賦飛燕寵於體輕注荀悅漢紀曰趙氏善舞號曰飛燕上
悅之事由體輕而封皇后也此注當依彼改順

周受命以忘身 六臣本以作而

注說文曰擡拜舉手下也 今說文擡舉手下手也

扞矢言而不納 六臣本不作弗何曰矢言直言注引盤庚非
注昭王昭襄王也 六臣本作闇主昭王也是也此解正文之

主闇

冀闕緬其堙盡 六臣本其作而

注無償趙王城邑 六臣本邑作色是也

亦狼狽而可憖 臧氏琳曰狼當作踉說文足部踉步行獵跋
也無狼字

儒林填於坑葬注諸生犯禁者四百六十四人皆坑之咸陽

衛宏古文奇字序曰秦改古文以爲篆隸國人多誹謗秦患天下不從而召諸生至者皆拜爲郎凡七百人又密令冬月種瓜於驪山砌谷之中溫處瓜實詔博士諸生說之人人各異則皆使往視之而爲伏機諸生方相論難因發機從上填之以土皆終命也顏師古曰今新豐縣溫湯之處號愍儒鄉溫湯西三里有馬谷谷之西岸有坑相傳爲秦坑儒處按史記始皇紀稱坑之咸陽而此復云馬谷咸陽在渭北馬谷在渭南豈馬谷七百人咸陽四百六十餘人故兩事乎又按今史記但云四百六十餘人此注作四百六十四人論衡語增篇作四百六十七人而唐李尤獨異志又云秦於驪山下坑儒士二百四十人其數不一可弗深考耳

身刑轍以啓前 六臣本前作先

野蒲變而爲脯苑鹿化以爲馬 注引風俗通今本風俗通未

見此文而藝文類聚蒲柳部謂出史記今史記亦無之莫能

詳也唐書蘇安恒傳云指鹿獻蒲先善善良亦用此事

假讒逆以天權 五臣逆作賊向注可證

徙子嬰之果決 六臣本徙作逮何曰秦始皇本紀云於子嬰

車裂趙高未嘗不徙其決憐其志

注地者遠近險易 六臣本者遠近作有近遠是也

羽天與而弗取 六臣本弗作不

注淮南子曰大道含吐陰陽而章三光 今淮南子原道訓作

橫四維而含陰陽絃宇宙而章三光而本書贈山濤詩注所

引同此

感市間之菰井

注

說文曰菰麻蒸也

今說文菰字下徐鍇引

此語段曰東方朔七諫菰蔞稊於廢蒸王逸注臬翻曰廢一作菰是也錯本無之俗添之耳

注

卽涇城賣蒸之市也

段校蒸上添麻字

歎尸韓之舊處

注

恐潘誤

匡謬正俗云趙廣漢傳廣漢下廷

尉獄吏民守闕號泣者數萬人或言臣生無益於縣官願代趙京兆死使得牧養小民延壽傳無此語安仁論延壽之死所舉廣漢之請代則用事之不審焉

非所望於蕭傳

閻氏若璩曰唐書蕭至忠嘗出太平公主第

遇宋璟璟曰非所望於蕭傳司馬公通鑑改曰蕭君便是不知出西征賦語

注

論語子貢曰賜也亦有惡乎

皇侃論語義疏云子貢問孔

子說竟云賜亦有所憎惡惡徼以下說所憎惡之事也與此引作子貢之言合

^注襄公之應司馬曰夷 陳校曰改目各本皆誤

^注秦名天子冢曰長山 胡公考異曰長字當去各本皆衍水經注十九可證

^注薛君韓詩章句曰 此恐是楚辭章句之誤

奚信譖而矜謔 六臣本奚作爰譖作讒

翻助逆以誅錯 ^注錯七故切今依韻七各切 袁氏文龜牖閒

評云安仁好借聲爲韻如晁錯錯本字音倉故切乃借爲倉谷切漢書鼂錯傳注晉灼曰音屠置之屠顏注據申屠嘉傳序云責通請錯非躬之故以韻而言晉音是也潘岳西征賦乃讀爲錯雜之錯不可依也然鼂之名無義可尋孰是孰非

亦莫能明故史記索隱曰錯音厝一如字讀

恨過聽而無討 六臣本而作之

注張晏漢書曰鞠窮也 又一日勒毛萇詩傳注曰勒告也 書

下當添注字傳下注字當去鞠當作鞠兩勒字並當作鞠所

引乃詩采芑三章傳文

注左氏楚令尹子上曰 陳校氏下添傳字各本皆脫

欲法堯而承羞 五臣羞作禪銑注可證

慝敝邑之南垂 六臣本敝作弊

注始皇南山之巔 陳校南上添表字是也

由僞新之九廟 三輔黃圖云新莽壞徹城西苑中建章承光

包陽大臺儲元宮及平樂當路陽祿館凡十餘所取其材瓦

以起九廟莽曰予卜波水之北郎池之南惟玉食予又卜金

水之南明堂之西亦惟玉食予將觀築於是遂營長安城南
提封百頃莽又親舉築三下九廟一黃帝二虞帝三陳胡王
四齊敬王五濟北愍王六濟南悼王七元成孺王八陽平頃
王九新都顯王殿皆重屋太祖廟東西南北各四十丈高十
七丈餘廟半之爲銅構櫨飾以金銀珣文窮極百工之巧帶
高增下功費數百鉅萬卒徒死者數萬按注陳胡王作陳王
濟南悼王作濟南伯王元成孺王作元城餘並同
旦似湯谷又列牛女以雙峙又隨波澹淡六臣本湯作賜列
作對波作流

良無要於後福六臣本要作邀西京雜記武帝作昆明池欲
伐昆明夷教習水戰因於其上游戲養魚給諸陵廟祭祀

凡厥寮司毛本司誤作師

^注調品第也調品第其所獲也又杜預左氏傳曰調品第也

四字當去傳下當有注字

鼓柅迴輪灑釣投網五臣柅作枹釣作鈎濟注可證

^注郭璞方言曰陳校言下添注字

^注舊說曰輪釣輪也謂爲車以收釣緝也案注引舊說唯有

此條考西征賦李注前舊注見於水經河水篇者有袁豹崔浩兩家又崔浩見洛水篇未知此引舊說者當何屬也

於是弛青鯢於網鉅六臣本網作綱校云善作綱胡公攷異曰李本亦當作綱注引論語注必子釣而不綱之注今並注中三綱字盡誤爲網遂不見綱字

雍人縷切六臣本校云善作雍五臣作饔按今各本注皆作

饔疑李本亦當作饔也

注 毛萇詩傳曰南方有魚 陳曰毛萇詩傳當改鄭元箋胡公

攷異曰此節箋文李引毛鄭每不甚分別蓋傳箋久並耳

注 獻子辭梗陽人賂 六臣本無賂字是也

徘徊鄆鎬 六臣本鎬作鄆按下惟鄆及鄆各本皆作鄆而注

亦皆作鄆疑李本亦當作鄆也

注 企佇也 陳校企上添翹字是也此爲正文翹字作注

惟鄆及鄆 六臣本校云五臣作惟鄆及鄆按注無其證

注 蔡邕胡廣公頌曰參其二也 胡公攷異曰公上當有二字

參上當有莫字皇太子釋奠會作詩注所引可證今後漢書

胡廣傳注及蔡中郎集皆作與爲二誤

沾姬化而生棘 六臣本沾作治

注 尙書傳曰 案此是尙書大傳文書下當脫大字

均之埏埴 六臣本句首有猶字均作鈞

與政隆替杖信則莫不用情 六臣本與作傳杖作仗

庶免夫戾

注

戾下或有劣字非

何校夫改大陳曰別本作大

顧氏千里曰夫是大非何陳皆誤今各本亦未見有作大者

屑韻本有戾字練結切不必借劣字也

注

然任其才信無欲之心

陳校才改杖是也各本皆誤

文選旁證卷第十三

長樂梁章鉅撰

卷十一 登樓賦

注當陽縣城樓 六臣本毛本當並誤作富王氏棫曰仲宣樓有謂在襄陽者有謂在荊州及當陽者予攷之當陽爲的賦云挾清漳倚曲沮按漳水出于南漳沮水出于房陵而當陽適漳沮之會又西接昭邱卽楚昭王薨康熙初土人曾掘得之有碣可攷距昭邱二十里有山名玉陽一名仲宣臺謂卽當年登臨處也

聊暇日以銷憂

注

暇或作假

五臣暇作假翰注可證此正文

暇字下注古雅二字是五臣音

注多暇日者其出入不遠也

段校暇改假入改人蓋據今本

荀子也

注說文曰屋宇邊 朱氏珔曰當作宇屋邊也此誤倒

注荊州圖記曰當陽東南七十里有楚昭王墓登樓則見所謂

昭邱 案則見二字誤本書謝元暉贈西府同僚詩思見昭邱

陽注引荊州圖記曰當陽東有楚昭王墓登樓賦曰所謂西

接昭邱也此注則當作賦衍見字彼注曰亦衍字登樓賦所

謂者如洛神賦注稱東阿所謂洛靈之例耳水經沮水注云

沮水南徑楚昭王墓東對麥城正與賦西接昭邱合

注江之濊矣 朱氏珔曰說文永部兩引此詩一作永毛詩也

一作藁韓詩也段茂堂謂此作濊乃藁之訛

注漢中山王勝曰 陳校漢下添書字是也此景十三王傳文

各本皆脫

注公曰樂操土風 此本左氏成九年傳文樂操土風云云乃

范文子語

注對曰凡人之思 何校對上添中謝二字此陳軫傳文

注道德於此 陳校德改得是也各本皆誤

俟河清其未極 六臣本清下有乎字

注鄭元曰我非匏瓜焉能繫而不食者冀往仕而得祿 姜氏
舉曰何晏集解言匏瓜得繫一處者不食故也吾自食物當
東西南北不得如不食之物繫滯一處也是說意同於鄭而
皇侃義疏則以爲匏瓜星名也言人之才智宜佐時理務爲
人所用豈能如匏瓜繫天而不可食黃氏曰抄亦主此說惟
嚴氏祭詩緝則謂匏經霜葉落取繫之腰以渡水而不可食
故云繫而不食也

注猶臣修正其身以事君也 六臣本以字作不於義爲長翰

注喻修身全絜畏時君之不用語意較明

注毛萇曰怛怛猶怛怛也 胡公攷異曰怛怛當作怛怛此齊

風甫田傳文猶者猶上章

氣交憤於胸臆 林先生曰項平甫信美樓記謂此賦非但思

歸之曲仲宣少依天室世受國恩遯身南夏繫志西周冀王

路之一開憂日月之逾邁故以是爲不可久留云云愚謂劉

表本漢室遺胄時劉豫州亦依荊州曹操軍襄陽仲宣不能

勸琮與備并力拒操乃說琮以荊州降因遂歸操仕至侍中

其專爲身謀不識大義可知茲賦之作蓋緣不得志於劉表

藉以發其羈愁憤悶焉耳論者謂其乃心漢室恐未必然

注杜預左氏傳注曰交戾也 孫氏志祖曰左傳亂氣狡憤杜

注狡戾也不當改狡爲交以注賦之交憤且交亦不得訓爲
戾豈李氏誤記耶按禮樂記注血氣狡憤釋文云狡本又作
交古卯反又音交或狡交古亦通故杜云然而李引之也
注說文曰臆胸也 今說文臆胸骨也重文臆注云臆或作意
注衛靈公泊濮水 本書王正長雜詩注引泊作宿此恐誤
注而聞有鼓瑟者 六臣本瑟作琴是也此韓子十過文又載
史記樂書亦是琴字

游天台山賦

蓋山嶽之神秀者也 六臣本無者字齊氏召南曰十道志謂
之預對三辰上應台宿故曰天台與地志天台山一名桐柏
衆嶽之最秀者也

烏能輕舉 六臣本烏作焉

方解纓絡永托茲嶺 翰注孫綽爲永嘉太守意將解印以向

幽寂聞此山神秀可以長往因使圖其狀遙爲其賦

注

說文曰嬰繞也 本書謝惠連秋懷詩注引同按今說文嬰

飾也从女嬰嬰其連也又纓冠系也此注旣云纓與嬰通則何不專引說文纓字訓恐仍是今本說文有誤也

嗟台嶽之所奇挺 六臣本無所字

託靈越以正基 林先生曰孔靈符記云天台山神邕山圖採
浮屠氏說正爲閭浮震旦國極東處或又號靈越卽賦所云
靈越正基者是也

近智以守見而不之 六臣本智下有者字

赤城霞起而建標 六臣本而作以劉孝標世說注云赤城霞
起而建標瀑布飛流以界道此賦之佳處

注赤城山名色皆赤 胡公攷異曰名當作石各本皆譌而屬
上姜氏舉曰太平御覽四十一引孔靈符記云赤城山土色
皆赤巖岫遠沓狀似雲霞不作石色嘉定赤城志天台山圖
曰赤城山天台之南門也梁始置赤城郡亦因山爲名

注異苑曰天台山石 何校石下添橋字各本皆脫

既克濟於九折 六臣本濟作濟

注道威夷者也 胡公攷異曰此脫周字衍者字

過靈溪而一濯 天台山志靈溪在天台縣十五里福勝觀前

今縣東三十里亦有靈溪蓋其名適類太平御覽山部引啟
蒙記云天台山去人不遠路經福溪水險清冷前有石橋

注廣雅曰軌跡也 今廣雅釋詁軌作軋恐誤當據此改正本

書閒居賦注贈白馬王彪詩注豫章行注演連珠注修張良

五芝言卷一三
廟教注勸進表注引並作軌

注名耳字聃姓李氏 段曰此史記古本按今本史記作姓李氏名耳字伯陽謚曰聃索隱已謂字伯陽之非梁氏玉繩謂伯陽句乃後人妄竄則信有古本矣呂覽重言篇聃又作耽朱闕玲瓏於林間 六臣本朱闕作珠閣

注玲瓏明見貌 胡公攷異曰玲瓏當作瓏玲此揚雄傳和氏瓏玲注也不必依正文乙轉

五芝含秀而晨敷 余曰茅君內傳句曲山上有神芝五種第一曰龍仙芝似蛟龍之相負服之爲太極仙卿第二名參成芝赤色有光其枝葉如金石之音折而續之卽復如故服之爲太極大夫第三名燕胎芝其色紫形如葵葉上有燕象光明洞徹服一株拜爲太清神虎仙君第四名夜光芝其色青

其實正白如李夜視其實如月光照洞一室服一株爲太清
仙官第五名曰玉芝剖食拜三官正真御史

注賁隅音番隅 今山海經海內南經賁隅作番隅本書上林

賦注四愁詩注引亦均作番隅惟水經注引作賁隅

注宁猶積也佇與宁同 陳曰宁當作貯各本皆誤

注陽林生於山南 胡公攷異曰林當作木此地官山虞注也

不必依賦文改林字

應真飛錫以躡虛 余曰釋氏要覽比邱持錫有二十五威儀

游行僧爲飛錫安住僧爲挂錫

騁神變之揮霍 六臣本變作轡是也按向注揮霍變易貌言

馳騁神思有若執轡而遊言疾也疑作變者沿向注而誤

注史記曰崑崙其上有華池 今史記大宛列傳云其上有醴

三言
三
泉瑤池惟論衡談天篇作玉泉華池

注荀粲列傳 胡公攷異曰列當作別各本皆誤三國魏志荀或傳注有其證也

消一無於三幡 林先生曰陸放翁謂李善注頭陀寺碑穿穴三藏注天台山賦消釋三幡至今法門老宿未窺其奧

蕪城賦

注四言集云登廣陵故城 四言兩字衍六臣本無者是也或連下集云讀更誤陳曰城下當有作字此依集校是也各本皆脫何曰世祖孝建三年竟陵王子誕據廣陵反沈慶之討平之命悉誅城內丁男以女口爲軍賞昭蓋感事而賦

注鮑昭字明遠 余曰宋子京筆記今人多誤以鮑照爲鮑昭金陵有人得地中石刻作鮑照潘子真詩話武后諱照唐人

因以昭名之

注臨海王子瑱又子瑱敗 案二瑱字皆當作瑱沈約宋書瑱傳見孝武十四王第四十照傳附見宗室道規第十一皆可證也

注昭爲前軍 何校此下添行叅軍三字是也陳同各本皆誤施以漕渠 六臣本校云施善作弛非也此注引廣雅拖引也是李本作拖之明證濟注施舟具也蓋改之使配下句軸字乃五臣作拖之明證段校作拖

軸以崑岡 太平御覽一百六十九引郡國志廣陵城置在陵上大阜曰陵一名阜岡一名崑崙岡故鮑昭賦云軸以崑崙注說文曰漕水轉穀也 今說文穀作穀

重江複關之險 何曰朱刻鮑集作重關複江之險按據注則

集所云恐是誤倒也

注南臨江曰重濱帶江南曰複 六臣本臨下有二字帶上無

濱字毛本作南臨三江

當昔全盛之時 王氏修玉曰全盛謂吳王濞時時臨海王子
瑱鎮荊州有逆謀鮑明遠見廣陵故城乃吳王濞所都濞以
叛逆被滅因感其事以諷之中間饑鷹藏虎皆直斥臨海王
也案此說出五臣翰注不見於沈約宋書攷孝武十四王傳
子瑱至被殺時年纔十一前此不受命舉兵反以應晉安王
子勛者長史孔道存也則翰注謂昭以事同於濞遂感爲此
賦以諷之不過臆說附會而已全無所出

注說文曰轄車軸端 今說文書車軸端也从車象形重文轄

注云書或从彗

注說文曰開閭也 今說文開門也又閭里門也二訓相連李

注因而致誤耳

華貨鹽田 胡公攷異曰華當作滋注云華華也華滌古字通

善必作滋故有是語五臣改爲華各本以之亂善耳

注字林曰佳刀曰割 六臣本佳作雖是也說文可證

注郭璞曰三倉解詁曰 陳校去上曰字各本皆衍

表廣三墳 田氏藝衡曰兗州土黑墳青州土白墳徐州土赤

墳墳此三州與揚州接

注鋪敦淮墳 今詩墳作濱二字通用

竟瓜剖而豆分 六臣本剖作割

注說文曰魅老物精也 今說文彪老精物也从鬼彡彡鬼毛

重文魅注云或从未聲

寒鴟嚇雛 何曰莊子秋水篇鴟得腐鼠鵲雛過之仰而視之

曰嚇姜氏舉曰釋文及司馬注曰嚇怒其聲也李引詩箋及

爾雅注未明

注魑或爲魑 魑當依說文作魑

蔽蔽風威 六臣本蔽蔽作蒺藜

注爵馬同轡 爵當作百因正文爵馬而誤耳上引大雀駿駿

爵字已注此但注馬字也

南國麗人 五臣麗作佳銑注可證

豈憶同擢之愉樂 六臣本擢作輦

注琴道曰琴有伯夷之操夫遭遇時窮則獨善其身故謂之操

按琴道爲新論篇名本書注雜引雍門周事已詳西京賦

注下其非雍門周事而係琴道篇者在本書注中又凡十三

見長門賦注亦引此條作琴有伯夷之操窮則獨善其身不
失其操故謂之操舞賦注又引琴有伯夷之操六字又思元
賦注引琴道曰琴七絛足以通萬物而放治亂也又長笛賦
注引琴道曰伯夷操以鴻雁之音又引琴道曰下徵七絛總
會樞極又琴賦注引桓譚新論曰八音廣博琴德最優又引
琴道曰堯暢逸又曰堯則兼善天下無不通暢故謂之暢又
曰微子操微子傷殷之將亡終不可奈何見鴻鵠高飛援琴
作操又引琴道曰操似鴻雁咏之聲又引琴道曰舜操者昔
虞舜聖德元遠遂升天子喟然念親巍巍上帝之位不足保
援琴作操又嘯賦注引琴道曰大聲不震煜而流漫細聲不
湮滅而不聞又七發注引琴道曰堯暢達則兼善天下無不
通暢故謂之暢綜錄於此以證異同云

邊風急兮又并運滅兮六臣本急作起運作徑

魯靈光殿賦

魯靈光殿者張氏雲瑒曰水經泗水注云孔廟東南五百步有雙石闕卽靈光南闕北百餘步卽靈光殿基東西二十四丈南北十二丈高丈餘東西廊廡別舍中間方七百餘步恭王餘之所立也何曰後漢東海恭王疆傳初魯恭王好宮室起靈光殿甚壯麗是時猶存故詔疆都魯蓋中興以來特爲美談而未有賦者故文考補作賦出而甚傳於代

注詩云昆夷突矣今詩作混夷駮矣混昆音同毛傳駮突也此以詰訓爲正文矣

觀藝於魯何曰博物志王子山與父叔到太山從鮑子直學筭按文考一字子山

故奚斯頌僖 奚斯說已見兩都賦序周氏必大二老堂詩話
云學者謂闕宮但曰新廟奕奕奚斯所作而無作頌之文遂
疑揚子爲誤以余觀之奚斯旣以公命作廟又自陳詩歸美
其君亦無不可揚子之言必有所據也

注若炎唐 若上當有粵字各本皆脫

配紫微而爲輔 六臣本而作以

注詩云秘宮有恤 朱氏珣曰秘當作祕詩本作闕鄭箋闕神
也蓋假闕爲祕注從鄭義而誤以爲毛傳

注爾雅曰分次也 胡公攷異曰六臣本爾作小是也今廣詁
次也條脫此字

嚙嚙 六臣本作嚙嚙

注孔安國尙書傳曰 六臣本以此爲李注所引是也

注詩云臨衝弗弗崇墉屹屹 今詩弗作弗屹作仡

注隆屈也 陳曰此三字恐有脫誤胡公攷異曰此當重隆字

以隆屈解隆猶下注以崩疑解崩耳各本皆誤

崩繒綾而龍鱗 注繒綾不平貌 此訓不知所出姜氏皋曰釋

文繒與增通釋名綾凌也其文望之如冰凌之理也則增多

凌裂似近龍鱗意義

狀若積石之鏘鏘 何校鏘鏘改蔣將陳同皆據注引西都賦

語也案注當是五臣作鏘鏘耳

靈寡竊以崢嶸 段校云靈集韻亦無韻會作竝

廳蕭條而清冷 六臣本廳作廳

注說文曰滴瀝水下滴瀝之也 今說文瀝淩也一曰水下滴

瀝徐鍇引此賦語云凡言滴瀝者皆謂漉出而餘滴也

殷雷應其若驚 六臣本殷作音

注言炫耀也噴噴目不正也 六臣本作噴噴言炫耀而目不

正也是也

齊玉璫與璧英 六臣本英作映恐誤

注琅玕珠也似玉 說文云琅玕似珠者本草青琅玕一名石

珠山海經郭注琅玕子似珠也爾雅注琅玕狀如珠故邵氏

晉涵曰琅玕爲石之精液凝結而成其狀如珠不得與璆琳

並以爲玉亦不得遂以爲珠也

霄靄靄而晻曖 六臣本霄作霄是也

注西廂西序也 又東序東廂也互言之文相避耳爾雅曰東西

廂謂之序 姜氏皋曰爾雅作東西牆謂之序不作廂也說

文序東西牆也顧命言西序東序孔疏謂序者牆之別名此

引爾雅已誤且爾雅自有室有東西廂曰廟之文郭注夾室前堂也儀禮覲禮注東廂東夾之前相翔待事之處特牲饋食禮西堂西夾之前近南疏曰卽西廂也是經傳自有明文張注互言之而廂序不分尤誤

注脚或移字 或下當有作字胡公攷異曰爾雅連謂之簑郭

注今呼之簑厨簑卽移也此賦蓋本是移厨亦又爲脚厨故張載以爲連閣旁小室李善云相連貌五臣妄云綬步不進然則厨字有足旁乃善本爲所亂也

屹鏗瞋以勿罔 五臣鏗瞋作瞋瞋濟注瞋瞋視不明也

魂悚悚其驚斯 六臣本驚斯作若驚

注欲安心定意 六臣本欲上有詳謂二字是也

注說文構櫨柱上枓 今說文枓作枓

注夏屋薶薶高也音渠 姜氏臯曰註引七依不引詩之渠渠猶勤勤也以與釋高字義異耳然左氏定十五年傳次于渠蔭公羊傳作薶蔭則二字亦通

注說文曰栢栢上梁 今說文作栢屋栢上標

枝掌杈枒而斜據 注說文曰掌柱也 今說文檜褻柱也徐鍇

曰檜之言掌也王延壽魯靈光殿賦曰枝掌杈牙而斜據是也段曰此及長笛賦注長門賦注引說文並無褻字今玉篇亦無是衍字也檜字或作掌或作撐皆俗字耳

互勦糾而搏負 五臣搏負作負搏向注可證

甃窰垂珠 尤本窰作陀誤也說文繫傳引作窰吒垂珠

注刻繪爲之 繪當作繪各本皆誤本書景福殿賦注謂繪五

彩於刻鏤之中可證

注其中苧珠珠之實宿寢也 陳曰珠之似當作苧之

注雲節又柄謂之梁 節當作案此複舉正文梁亦當作案此

禮器注文

奔虎獲挐以梁倚 五臣獲作攬濟注可證

注文字曰騰 何校字改于是也陳曰見第十五卷思元賦注

各本皆誤六臣本此下有蛇無足而騰五字是也

元熊訶談以斷斷 六臣本訶談作蚘蛻說文繫傳引作因談

徒服服而玃玃 五臣作徒服服而獮獮翰注可證

儼雅蹠而相對 注儼雅而相對又儼雅蹠貌 此注中複舉正

文亦當有蹠字雅跪二字連漢書何武傳盤辟雅拜卽雅跪

也此注似以儼雅連讀誤矣

神仙岳岳於棟間 五臣岳岳作諤諤銑注可證

玉女閨窻而下視 林先生曰古人窻間多刻飾玉女庾子山賦倚弓於玉女窻扉李太白賦玉女攀星於網戶李玉溪詩寒氣先侵玉女扉是也

注 瞽眇視不明之貌說文曰瞽睽也 今說文瞽睽也此作睽似誤按玉篇瞽睽明察也與李注義異

陽樹外望高樓飛觀 六臣本校云善無此二句按本書魏都賦注引此賦注曰樹而高大謂之陽今在李注中則正文亦當有也

漸臺臨池 漢書郊祀志注云漸浸也臺在池中爲水所浸故曰漸臺按漸臺漢書中凡數見本水中臺之通名列女傳貞順辦通二卷並有漸臺孫氏義鈞曰三輔黃圖漸臺在未央宮太液池中高十丈又一說漸臺星名法星以爲臺名案史

記孝武本紀作建章宮其北治大池漸臺高二十餘丈是建章未央二宮俱有漸臺

高徑華蓋 五臣徑作經向注可證

中坐垂景

注

言臺之高自中坐而垂曰景也

據注則垂字當

係乘字之誤按此注六臣本在善曰下疑注首本有善曰二字尤本脫去也

巖突洞出

注

子虛賦曰巖突洞房

突當作突子虛當作上林

今上林賦突作窻窻與突同各本皆誤銑注作穴並誤

注

論語曰加我數年可以學易

此於正文無所屬恐有誤

注

小雅曰靡靡細也

靡字不當重此小爾雅廣言文

蘭芝阿那於東西

五臣阿那作婀娜向注可證

注伏儼子虛賦注

何曰伏儼二字據子虛賦注當作服虔

注瑤光得陵黑芝 六臣本毛本陵下並有出字是也

崦闔崦嵫 六臣本嵫作嵫

欻欻幽藹 六臣本藹作藹校云五臣作藹

礧礧瓊瑋 五臣礧作瑋瓊作瓊良注可證

景福殿賦

注頗有材能 六臣本無此四字是也一本以此上此下爲銑

注而無散騎常侍遷曹爽反等字其李注作典略曰何晏字

平叔南鄉人也尙金鄉公主頗有材能爲散騎常侍遷尙書

主選及曹爽反誅晏並收斬東市四十二字是也

歲三月東巡狩 六臣本三作二無狩字孫氏志祖曰五臣作

二月誤

至于許昌 林先生曰水經注三十二許昌城內有景福殿魏

明帝太和中造準價八百餘萬西溪叢話云許昌節度使小廳是故魏景福殿

望祠山川 六臣本祠作祀按月令仲春之月祀不用犧牲說

文引亦作祠

注東巡狩望祠山川 今禮王制東巡守至于岱宗柴而望祀

山川此注節去至於岱宗柴而六字又守作狩祀作祠也

注王齊曰隔定四方 齊當作肅隔當作商此所引家語五帝

德注文吏記注亦載其語可證各本皆誤

注尚書曰惟五月既望 此召諧文二月非五月

感乎溽暑之伊鬱 六臣本句首有相與二字

惟岷越之不靜 何曰岷越不靜而大營宮室此賦所爲諷也

不飭不美 六臣本飭作飾是也

就海孽之賄賂孫氏志祖曰魏志公孫淵傳淵遣使南通孫
權往來賂遺此卽賄賂之說也田豫傳云太和末公孫淵以
遼東叛豫以本官督青州諸軍往討之盡虜其衆景福殿作
於太和六年與豫傳太和末正合又孫權遣使齎金玉珍寶
立淵爲燕王事在青龍元年卽太和六年之次年也

注田豫討大將

何校大改吳是也六臣本亦作大

垂環玼之琳琅

注

又垂環玼及琳琅也

余曰說文宋宏說淮

水中出玼珠玼珠之有聲者夏書玼從虫賓按此對上句流
羽毛之歲麤則琳琅當借訓佩聲與說文訓亦合李注以爲
四物於之字文句不協矣

參旗九旒

許氏慶宗曰史記天官書參西有勾曲九星三處

羅一曰天旗二曰天苑三曰九旒

注然伐一星 然下當有參字各本皆脫

勞髴退概 概當作概說文概稠也韓昌黎南海神廟碑云月

星明概當本此

注毛詩傳曰礪雷聲也 毛字下當有莢字何校礪改股

爰有遐狄 何曰魏畧云大發銅鑄作銅人二號曰翁仲列坐

於司馬門外王氏鳴盛曰魏志景初元年鑄也

綴以萬年 萬年樹卽冬青詩疏謂之憶陸機曰葉似杏而尖
白色皮正赤木多直少曲華似練而細藥正白今宮園有之

名曰萬歲取名於億也

注晉宮閣銘曰 銘當作名各本皆誤

注山有紫榛 紫字當去因正文而誤耳各本皆誤

厥庸孔多 注多當爲趨廣雅曰趨多也 五臣庸作用良注可

證注中兩趨字皆當作趨卽敍字見廣雅釋詁三西京賦清酤慈注引同

注說文曰櫛署扁從戶册者署門戶也 上櫛字亦當作扁各本皆誤今說文册部扁署也从戶册戶册者署門戶之文也元王士點禁扁一書義取於此

飛柳烏躍 五臣柳作昂銑注可證

赴險凌虛獵捷相加 六臣本險作監加作和

駟徙增增 五臣徙作徒翰注可證

注額與菡同 據此則正文菡菡當作額菡李謂菡菡已見魯

靈光殿賦是此額字與彼菡字同也

注說文曰緡采飾也 本書月賦注引作緡繁采飾也今說文

緡繁采色也

拱天矯而交結 五臣矯作矯翰注可證

注說文曰槐栢秦名屋綿聯楚謂之栢也 今說文栢秦名屋

楊聯也齊謂之檐楚謂之栢又栢楹也槐栢也

夏無炎燁 五臣燁作燁銑注可證

其光昭昭 五臣昭昭作照照銑注可證

命其工使作續 續讀作繪 胡公攷異曰正文續當作繪注

引鄭尙書注可證注中繪當作會

注帝曰垂命汝作其工 今書帝曰俞咨垂汝其工疏云非呼

此官爲其工也帝意言其謂供此職也則作字不當有

注尙書曰予欲觀古人之象作會宗彝以五采彰施于五色

朱氏琦曰此約舉其文也但作會宗彝四字合並誤與書正

義同殆唐時句讀如此

注以思親正君 陳曰思當作恩是也此詩沔水箋文

觀虞姬之容止知治國之佞臣 六臣本觀作覩五臣佞作俛
銑注俛待也言見虞姬之狀則知國待賢臣也案此五臣與
李大異恐非

注諸侯並侵之 今列女傳脫此五字當據此校添

注宣王之后也 又旣出乃脫簪珥 又妾不才 今列女傳無宣

王之后及旣出乃七字妾下多一之字並當依此校正

注願乞一見 又壯勇不力 今列女傳無上四字勇作男此作
勇各本皆誤

注大戴禮記曰禮義之不譽何恤人言 六臣本記作詩按今

大戴禮無此語左傳子產引詩曰禮義不愆何恤人言亦見
荀子不知李注何以誤引也

邳張注邳或爲丕此避文帝諱六臣本校云五臣作披然向

注大張設仍是訓不義也

注劉熙孟子注曰獻猶軒軒在物上之稱也此於孟子無所

屬隋書經籍志載劉氏所注孟子僅七卷是亦未有外書或

疑是劉熙釋名之誤然今本釋名亦無此語周氏廣業以爲

疑在饋孔子蒸豚下鄭氏周禮注古者致物於人尊之則曰

獻通行曰饋則因饋曰獻未可知

照遠戎之來庭六臣本照作昭

右个清晏注杜預左氏傳注曰个東西廂也姜氏皋曰禮月

令青陽右个鄭注東堂南偏也儀禮公食大夫禮賓升公揖

退於箱鄭注以箱爲堂上東夾之前儀禮釋宮云夾室之前

曰箱江氏永云夾室當云東夾西夾也其箱亦曰東堂西堂

是也萬氏斯大儀禮商廟寢圖列東西箱在東西堂之下如今廊廡疑非

遂及百子 林先生曰國學紀聞謂唐錢起有百子殿詩卽此何曰時繼嗣未廣故賦及此

注靡有不克 克當作孝各本皆誤

宜爾子孫 六臣本尤本孫子皆作子孫非也胡公攷異曰此以子敏止爲韻各本乃失其韻矣

注李昉曰 何校李下添軌注老三字是也各本皆脫

講肄之場 五臣肄作肆濟注可證

注侯權景福殿賦曰 胡公攷異曰侯上當有夏字權上當有稚字安陸昭王碑注引作夏侯稚當互訂稚權名惠見魏志夏侯淵傳案玉海殿部亦云何晏韋誕夏侯惠均有景福殿

賦是也

注時襄羊以瀏覽 陳曰瀏當作瀏瀏覽與西征賦瀏睨同義是也各本皆誤

無物不有又於是焉取 六臣本物作所是焉作焉是

建凌雲之層盤 何曰魏畧董尋諫明帝曰作無益之物九龍

承露盤土山淵池其功三倍於殿舍

確確白鳥 說文確鳥之白也今孟子引詩作鶴鶴疑爲確確

之誤

沈浮翺翔 淮南子倣真訓注云鳥之高飛翼上下曰翺直刺

不動曰翔

注賑富 富下當有也字各本皆脫

注薛綜東京賦注曰高昌建城二觀名也 六臣本無此十五

字今東京賦薛注亦無此語按賦語知高昌建城乃魏許昌
二觀名並不在漢之東都自然非張衡所賦其不得有薛綜
注更明此尤本誤添姜氏皋曰本書羽獵賦碣以崇山李注
引薛綜東京賦注云碣猶表也此賦碣以高昌崇觀表以建
城峻廬李所引必是同於羽獵賦注所云解碣表二字後之
傳寫者脫落碣猶表也四字以致薛綜東京賦注曰七字不
可通其實高昌建城二觀名也八字當在碣猶表也句下不
連屬東京賦注也六臣本見此十五字不可通故刪之而尤
本乃仍其舊耳

注又曰巒山墮 今爾雅墮作墮註詩曰墮山喬嶽本書蜀都
賦注巒山長而狹者

頽眺三市 六臣本頽作看

注毛詩曰或耘 六臣本此注首有謂九野也四字

注鄭元禮記曰 六臣本記下有注字

屯坊列署 六臣本坊作方是也注語可證

制無細而不協於規景作無微而不違於水泉 胡公攷異曰

上句而字下句不字皆衍注文自明

注無細不合皆言合也 胡公攷異曰上合當作協皆言當作

言皆各本均誤

駢田胥附 五臣田作填向注可證

文彩璘班 六臣本班作璠是也注引埤倉璘璠可證

注爚火光也 今說文光作飛

無今日之至治 五臣至作所銑注可證

然而聖上 六臣本聖作皇

猶孜孜靡武

注

孽與孜同

姜氏舉曰書子思曰孜孜史記夏

本紀作孽孽孟子孽孽張鑑音義曰孽與孜同古字通也

蒼龍觀於陂塘

注

魏志文紀曰青龍見於靡坡

六臣本陂作

流何校文改明靡改摩陳同依魏志也各本皆誤

絕書出於河源 余曰孫盛魏氏春秋明帝青龍三年張掖郡

刪丹縣金山原川溢涌寶石負圖狀象靈龜廣一丈六尺長

一丈七尺五寸圍五丈八寸立於川西

總神靈之貺祐集華夏之至歡方四三皇而五六帝 五臣靈

作明華作中良注可證六臣本無方字

卷十二 海賦

注華集曰

何校改廣川人

巨唐之代 六臣本巨作臣者是若以巨唐爲堯不應敘在帝

嬀之後李注既引舜臣堯之文則李本亦當作臣後人誤作巨耳

注 桓子新論曰夏禹之時洪水淳滴 北堂書鈔樂部引桓子

新論曰昔夏之時洪水懷山襄陵云云未知卽此異文否

注 說文曰滴水涌出也 今說文無水字

連涎八裔 五臣涎作延翰注可證

決陂潢而相浹 五臣浹作浹良注使浹蕩而通達六臣本校

云善作浹胡公攷異曰浹當作沃注沃灌也同沃與下句鑿

協字譌而韻失矣謹按注引說文沃灌也今說文水部無沃

字有沃字云沃灌漑也段曰沃卽沃之隸體但李此注少漑

字或今本說文衍耳

注 踰濟漯 六臣本踰作瀕蓋據今本孟子改然下於廊靈海

向注引亦作踰殆李所見孟子本不同也

騰波赴勢 五臣波作傾銑注可證

注廣雅曰壅治也 今廣雅釋詁治也節無壅字按爾雅釋訓音義引與此同

注尙書大傳曰百川趨於海 今本尙書大傳曰大川相間小川屬東歸於海水經注序引同本書長歌行注引作百川赴東海郭有道碑注引作百川趨於東海皆卽此文而小變之注淮南子曰塘有萬穴 六臣本尤本塘作澹今淮南子人間訓塘作唐高誘注唐堤也

洗滌淮漢 二初齋讀書記三云漢水注江以注海不直達於海此海賦也而以漢言取叶韻耳

襄陵廣舄 注史記曰斥爲舄古今字也 五臣舄作斥翰注可

證胡公攷異曰曰字當是以字誤西征賦注戰國策以吳爲吾其句例也

若乃大明撫轡於金樞之穴 趙氏職明日月稱大明未詳所

出注引繫辭傳亦未安大疑夜字之譌

注撫猶攬也 五臣撫作鑣濟注可證按說文撫引取也李云猶攬亦以意解之耳

注言月將夕也 六臣本月作日又此五字在大明月也下其下節注作翔陽日也言曰初出也

注伏韜望清賦曰 何校韜改滔清改濤各本皆誤

注山海經曰陽谷上有扶木者扶桑也 陽當作湯今海外東經曰湯谷上有扶桑注扶桑木也又大荒東經云湯谷上有扶木注扶桑在上文雖小異皆作湯谷也

彫沙 大常公曰彫字義爲畫飾與沙無涉或飄字之誤林先

生曰彫沙言沙有文如畫卽下所云雲錦散文於沙汭也

注 異風不至則大風發屋揚沙 上風字當作氣各本皆誤本

書舞鶴賦注引作異氣至則大風揚沙

注 說文曰島海中往往有山可居曰島 今說文可居作可依

止下崇島巨鰲注引亦作可依止本書旦發漁浦潭詩注引

島海中有山四字則省文也

注 呂氏春秋曰天地如車輪終則復始 今呂氏春秋大樂篇

作天地車輪無如字按太平御覽天部一及禮儀部三十五

引並無如字此注因正文如字而衍耳

涓潰淪而滴濕 六臣本涓潰作汾涓

注 川阜曰魁 川當作小

湫泊栢而地颺五臣栢作酒翰注可證

注磊大貌貌當作石翰注磊大石

纖蘿不動五臣蘿作羅向注可證

潭注以審古潭與潯字音義並同淮南子原道訓游於江潯

高注潯讀高覃之覃漢書揚雄傳因江潭而旌記今顏注潭

音尋並與李音合

渤蕩成汜五臣蕩作湧翰注可證

若乃偏荒速告又飛駿鼓楫六臣本偏作邊五臣駿作迅銑

注可證

注說文曰掣引而縱也今說文無掣字孫氏義鈞曰按手部

掣引縱曰掣尺制切玉篇訓牽也引說文重文摯掣是掣卽

掣字也

若其負穢臨深 六臣本其作乃

注說文曰髣髴見不誤也 姜氏皋曰說文髟部無髣字有髴字曰若侶也段曰髴與人部佛字義同許無髣字後人因髴製髣又說文人部仿仿佛相侶視不誤也是髣髴當作仿佛見當作視

廓如靈變 五臣如作然翰注可證
呵噉掩鬱 五臣鬱作忽良注可證

注說文曰睽大視也 朱氏珔曰依玉篇廣韻卽魏都賦睽焉相顧之睽故說文別無睽字

注說文曰睽暫視也 今說文也作貌

跣踣湛灤 太常公曰楚辭七諫馬蘭蹠蹠而口加注蹠蹠暴長貌蹠與跣同廣雅釋訓蹠蹠無常也集韻灤灤水動也灤

與湛同

沸潢淪溢 六臣本潢作涓

注灌泝淪涓波之聲 太常公曰字書灌淪采色不定之貌

故魯靈光殿賦曰灌淪燐亂此注云衆波聲恐未確

或桂胥於岑敖 五臣岑作巖翰注可證

注淮南子曰自西南至東南有祿人國黑齒民 今淮南子墜

形訓作自西南至東南有祿國民自東南至東北方有黑齒

民

或乃萍流而浮轉 六臣本浮作蓬

爾其爲大量也 六臣本無爲字

北灑天墟 六臣本灑作洗太常公曰爾雅元枵虛也注云虛

在天北又顓頊之虛虛也注云顓頊水德位在北方此言北

灑天墟蓋融會爾雅之意假借而用之耳

注音虛又爾雅曰北陸天墟也 尤本無天字墟作虛六臣本

與此同天墟也下有音區二字而無正文下音虛二字何曰
爾雅北陸虛也此注誤胡公攷異曰此尤本用今爾雅改非
善意也今爾雅郭讀虛如字不得引以注此賦必他家讀爲
墟域之墟故曰音區又天字善因是釋天文而增之如下引
析木謂之天津天字亦本文所無何曰注誤亦未得其解
注爾雅曰析木謂之天津 今爾雅析木謂之津箕斗之間漢

津也注云天漢之津梁說詳上

經途澠溟 六臣本途作綸恐誤

所未名者若無 六臣本所作及

惡審其名 五臣烏作焉銑注可證

注呂氏春秋曰南方曰凱風北方曰廣莫風 今呂氏春秋有
始篇作南方曰巨風注離氣所生一曰凱風又北方曰寒風
注坎氣所生一曰廣莫風本書洞簫賦注潘安仁河陽縣作
詩注引並與此注同

瑕石詭暉 說文繫傳瑕字注引此作瑕石詭光

注說文曰瑕玉之小赤色者也 今說文瑕玉小赤也按史記
司馬相如傳索隱引說文與此同今說文也字恐是色字誤
陽冰不治 姜氏舉曰注其陽則有不治之冰語殊滑突卽晏
子春秋陰冰凝陽冰厚五寸亦非此解酉陽雜俎有云頗梨
千歲冰所化格古要論亦曰古云千年冰化爲水晶因疑不
治者或是此

陰火潛然 楊氏慎曰拾遺記西海浮玉山穴中有火其色如

水波光灌蕩而火不滅名曰陰火素問云澤中有陽燄注陽燄如火煙騰起水面者是也

燔炭重燔 余曰抱朴子南海中蕭邱有自生之火常以春起秋滅邱方千里當火起時此邱上純生一種木火起正着此木木雖爲火所着但少焦黑人或以爲薪但不成炭炊熟則灌滅之後復更用如此無窮

珊瑚琥珀羣產接連車渠馬瑙全集如山 尤本六臣本並無此十六字何校璫改腦

魚則橫海之鯨突抗孤遊 六臣本魚上有其字抗作机

注弔屈原曰 原下當有賦字

注郭璞山海經注曰橫塞也 本書左太冲招隱詩注江文通

雜體詩注引同而今山海經注無此語

纂要卷之三
警戢刺天 胡公攷異曰警當作鱗考善注引上林賦注各本

皆作鱗惟五臣濟注作警

翔霧連軒 五臣霧作驚銑注可證

擾翰爲林 五臣林作霖銑注可證

見喬山之帝像 胡公攷異曰喬當作橋考善注引史記各本

皆作橋惟五臣良注作喬

羣仙縹眇 六臣本羣作神何校縹改眇注同是也胡公攷異

曰善當作瞽故注引魯靈光殿賦瞽眇惟向注作縹

翔天沼 六臣本天作大

茫茫積流 尤本茫茫作芒芒六臣本與此同是也

注觀滄海於茫茫 藝文類聚海水部引於作之

注李尤翰林論曰 陳曰尤當作充此見晉書文苑傳與東漢

李尤時代迴殊各本情誤